



Broj: 07-06-24-20702-36/20
Sarajevo, 09.07.2020.god.

Služba za skupštinske poslove
skupštine Kantona Sarajevo
-ovdje-
Stručna služba Vlade Kantona Sarajevo
-ovdje-

Predmet: Odgovor na poslaničko pitanje, veza vaš akt 01-04-20702-35/20 od 18.06.2020.god.

Zastupnik Elvedin Okerić je postavio poslaničko pitanje na 26-oj radnoj sjednici Skupštine Kantona Sarajevo koja je održana 16.06.2020.god., u okviru tačke Dnevnog reda "Poslanička/zastupnička pitanja, inicijative i odgovori", a sve u skladu sa čl. 211. i 214. Poslovnika Skupštine Kantona Sarajevo.

Isto glasi:

1. Da li je KJP Veterinarska stanica d.o.o. Sarajevo imala svog predstavnika u Štabu CZ Kantona Sarajevo?
2. Koliko novca je Ministarstvo privrede Kantona Sarajevo doznačilo Veterinarskoj stanici d.o.o. Sarajevo s obzirom na značaj i doprinos koji su dali u okviru borbe sa pandemijom COVID-19?
3. Tražim da mi se pismeno dostavi informacija o načinu sazivanja Skupštine društva KJP Veterinarska stanica d.o.o. Sarajevo. Da li je bio neko ovlašten da to uradi? Ako jeste o kome se radi, da li su pored imenovanja tri punomoćnika odredili ko će biti predsjedavajući?
4. Da li su resorno Ministarstvo privrede ili ministar upoznati sa zloupotrebama službenog položaja od strane pojedinih uposlenika KJP Veterinarska stanica d.o.o. Sarajevo, a koji su opunomoćeni za vršenje ovlaštenja U Skupštini KJP Veterinarska stanica. Ako jesu šta je poduzeto po tom pitanju.

Odgovor:

1. Ministarstvo privrede nije nadležno da odgovara u ime Kantonalne uprave za poslove civilne zaštite, odnosno da daje odgovore o sazivu članova Štaba civilne zaštite.



2.Ministarstvo privrede nije doznačavalo novac KJP “Veterinarska stanica” d.o.o. Sarajevo, a vezano za borbu sa pandemijom COVID-19, jer se doznaka novčanih sredstava odvija u skladu sa nadležnostima ministarstva i Zakonom o veterinarstvu (“Službene novine Federacije Bosne i Hercegovine” broj 46/00), a što se realizira kroz Budžet Kantona Sarajevo za 2020.godinu.

3.Skupština preduzeća saziva se u skladu sa Zakonom o privrednim društvima (“Službene novine Federacije Bosne i Hercegovine” broj 81/15; u daljem tekstu:Zakon), i članom 4. Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo (Službene novine Kantona Sarajevo”broj 31/19; u daljem tekstu:Odluka).

U skladu sa članom 230. Zakona, Skupštinu saziva u konkretnom slučaju predsjedavajući saziva punomoćnika.U pozivu za skupštinu se navodi dnevni red, mjesto, datum i vrijeme održavanja Skupštine. U zavisnosti od suštine dnevnog reda, saglasnost ili obavezujuće uputstvo na isti daje resorno ministarstvo, odnosno Vlada Kantona Sarajevo, a na osnovu člana 2. stav (6) Odluke.

Na prvoj konstituirajućoj sjednici određuje se lice koje će vršiti funkciju dužnosti predsjedavajućeg saziva punomoćnika 2/3 većinom.

Ovdje je posebno potrebno naglasiti da Vlada Kantona Sarajevo vrši ovlaštenja Skupštine u javnim preduzećima, a da su punomoćnici lica koja postupaju po uputama Vlade Kantona Sarajevo, odnosno uz saglasnost ministarstva u zavisnosti od prirode tačaka dnevnog reda.

4.Ministarstvo privrede nije imalo saznanja o zloupotrebama službenog položaja za bilo kog uposlenika-punomoćnika, niti je nadležnost ministarstva da provodi bilo kakav postupak protiv uposlenika KJP Veterinarske stanice. Sva javna preduzeća su samostalni privredni subjekti koji imaju sve organe upravljanja i trebaju preuzimati sve zakonom propisane mjere u slučaju bilo kakve zloupotrebe od strane svih uposlenika, te iste prijaviti nadležnim organima.

Srdačan pozdrav!



Dostaviti:
-naslovu-2X
-evidenciji
-a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

